

巢睫集



巢睫集序

天生賢才豈徒然而已哉必豐其  
賦與敏其性資飽其學問富其文  
章慶其遭遇居道揆也成一代之  
相業職侍從也成一代之制作芳  
聲偉譽與世攸久耿耿不磨然是  
人也豈易得哉必天地儲祥光嶽  
氣完鍾毓而出際會亨嘉方能成

於前而垂於後求之

當代獨於翰林學士曾先生見馬嘗  
考先生名榮字子啓吉之永豐人  
天資英邁學問博洽永樂二年狀  
元及第恭遇

太宗文皇帝御天下慨然欲作新人才  
興起斯文而於龍飛第一科進士  
中簡明秀通敏者二十八人就文

淵閣盡出中祕書俾進所業蓋期  
之於古人先生其首也遂晝夜淬  
礪文與學俱進

文皇召試先生迅筆千百言立就不費  
思索而理致文采皆到屢舉群書  
隱僻事以驗所學靡不悉對以是  
深見獎重遂名聞天下其製作也  
大篇春容短章醞藉用事該博鍊

語精切鏘乎金鳴憂乎玉應聳然  
高山之出雲沛然百川之注海當  
時儒臣博學詞林揮翰無出其右  
四方求者無間貴賤日集庭下靡  
不酬應一時文人所作碑銘序記  
表傳詩賦流布遠邇蓋未有如先  
生之富者先生謝世後其全集惜  
未之見僅存巢睫集一帙約詩二  
百餘首迺者湖臬僉事廬陵陳方  
正觀得而繡梓未幾方亦物故版  
隨散矣近者長清張公大振來湖  
掌憲慨念先生詩集不可沉泯乃  
以舊本繕寫命工翻刊以壽欲予  
言引其端嗚呼予何敢言哉蓋先  
生得於天者厚有諸已者盛際乎  
時者昌遇乎

君者聖故製作極乎一代文章冠乎古  
今雖老師宿儒莫贊一辭予以晚  
生腐陋若以俚言加於篇首正昔  
人所謂刻畫無益唐突西施豈不  
知愧哉雖然良金美玉固世所寶  
也藏諸密室若非傍人指道終莫  
知其為至寶今憲使壽先生之詩  
非愚述所文學際遇以俚言傍道  
之則昧者或不知此詩作於何人  
愚者或以珠玉為瓦礫矣予復以  
此自解故不揣狂謏而敢託名於  
篇首云

成化七年歲次辛卯春三月既望奉  
勅巡撫湖廣贊理軍務

賜進士中憲大夫都察院右僉都御史  
繁昌吳琛謹序

巢睫集目錄

編次

卷之一

五言古詩十四首

卷之二

七言樂府二十八首

卷之三

七言律詩一百七十三首

卷之四

七言絕句二十八首  
五言十一首

目錄畢

巢睫集卷之一

五言古詩

北斗篇

昔我住江南有斗維北懸及茲正幽薊如在北斗邊  
地理雖異域象緯寧有遷感此夜無寐起行望青天  
仰視北斗光珠璣粲相聯伊誰柄斯揭從容居帝前  
元氣妙斟酌調和不容偏四時皆順序萬物安自然  
躑躅風露下中情曷由宣天道本幽默誰能問穹玄

涼風篇

涼風日夕至商候淒以清逶迤起原陸散漫薄簷楹  
噫氣忽奮激呼喚相鬪爭捲地瀉奔濤撼空轟怒霆  
如馳昆陽騎若潰淮肥兵雲霧為之晦山岳為之傾

豈伊長養節遂與肅殺并草木自黃落鴻鴈復南征  
顧茲動植微感觸如有情起坐待明月援琴寫秋聲

已丑重九日北京官舍宴會分韻得落字

朝廷重巡狩車駕省方岳舊封屬堯冀新邑擬周洛  
壯夫備千載髦士侍帷幄幸因退朝暇聊遂盍簪樂  
維時肅霜露涼氣滿郊郭晝蠅息紛擾宵歛歛毒蟲  
高梧振脫葉叢菊破新萼蓐收御金候無射司律籥  
九日屬六至群公方會醜朝紳秩初筵官署上陰  
桶山黎粟陳貝潤實菱利庖霜鱸鱠登翻雪蟬蛻斫  
擣黃橙滿按佩紫萸盈握累觴迺獻酒從席縱飲詭  
探竒窮突與搜古騁雄博氣岸豁騰騫詞鋒交倚角  
驪珠吐光燄龍劍露鐔鏑摘草富文采摠抱謝表襟

歲疑爛晴雲浩蕩瀉秋壑蹇予比擣櫟則跡登館閣  
趨朝聯玉珂待漏聽金鑰優游地清嚴黼黻才謏薄  
踪跡隨轉達悃悃誓傾藿幸叨扈從榮苦乏經濟畧  
宦途愧鵬奮羈鞅慚鮒涸暈征遭盛時旅進沐優渥  
况茲值佳節相與共芳酌寧期白衣來任此烏帽落  
忝陪席上珍細和郢中作毋徒陋孱顏持以謝磨礪

冬日扈從還南京隨駕出麗西門馬上作

朝隨六龍駕遠別黃金臺萬乘出都門旭日淨浮埃  
翠華正飛揚玉輦從天迴羽林羅猛士夾道馳雲雷  
回首望玉京城闕何壯哉海水向東流西山鬱崔嵬  
上有五色雲垂輝映蓬萊壯遊愜周覽欲去仍遲徊  
策馬天仗間宿昔長追陪古來詞翰臣豈但鄙與枚



至今百世後聲譽揚九垓

歌風臺

秦皇失其鹿咸陽爲飛灰沐猴萬人敵叱咤生風雷  
堂堂龍准翁仗劍起蒿萊天威動四海顧指群雄摧  
垂衣坐關中黃屋高崔嵬一朝念鄉土萬乘忽歸來  
酒酣發浩歌意氣何壯哉大風撼扮榆白日照尊壘  
焉知天運移炎祚倏已頽淒涼千載後秋草翳荒臺  
流景能幾時昆明起塵埃飄々芒碭雲飛散不復回  
至今中易里惻愴令人哀

次下邳圯上

韓祀中覆絕子房憤其讎千金購力士慷慨發奇詠  
潛行博浪沙勇氣橫海陬副車奮一擊大索窮九州

廢祚遂不振祖龍死沙丘歸來風塵際聊作圯上遊  
忽逢黃石公取履能包羞授以一篇書庶將報秦仇  
翩然佐漢祖運此帷幄籌功成不受賞所願今已酬  
拂衣從赤松富貴若雲浮至今豐沛間遺跡尚可求  
明哲善保身萬古垂芳猷

癸巳三月十三日扈從之北京舟發石城門  
外賦呈同行諸公

石城天設險虎踞壯皇州策馬出都城駕言從豫遊  
萬乘宿嚴駕先期戒行舟龍驤載圖籍虎士羅戈矛  
日出簫鼓鳴中流發棹謳兩京何巍巍山川鬱相繆  
陝雲邁炎漢洛下媿成周龍飛符景運龜食叶神謀  
煌々萬世業寶曆承天休顧慚擣散姿劇跡英俊流

獻替諒無補愧茲恩寵優鳴鑿濟汾水照珮上瀛洲  
永言葵藿心庶以揚微猷

呂梁洪

洪流昔懷襄區域信茫昧斯民靡寧居吳此昏墊言  
神哉夏先后敷理乘四載呂梁塞其衝滔天亦頓潰  
巨靈擘山骨地軸爲之碎兩岸東驚瀕咫尺一何隘  
怒霆闐鏗勻飛瀑瀉澎湃然向東注下與百川會  
造化有設險惟此乃其最扁舟泝奔流涉歷今已再  
水師身手捷徑渡良足快緬懷胼胝勞遺跡遠猶在  
偉茲疏鑿功萬世終永賴

三月二十日舟次開河同胡祭酒鄒侍講登  
岸散步長林曠野中森森蔚然因至田家各

賦一詩而去

芳晨靄新霽弭楫長河曲睠茲丘園趣寰裳涉平陸  
郊原渺空曠佇望舒遠目村中夜來雨土脉膏且沃  
茅廬雞犬靜日出煙樹綠牛羊放平野隔水見樵牧  
麥涼雉初雊桑拂蚕已浴老農多歡顏生事亦云足  
偶茲一留憇幽境愜所欲僕夫或前征迤邐出林麓  
緬懷塵外踪於焉恣遊矚

惡蠅

蒼蠅尔甚微終日何所營紛々飛且止擾々縱復橫  
或散入襟袖或翔集冠纓或棲遂緣睫或墮忽投羹  
屢揮不能却將寐還復驚况茲卧病軀遭此聒耳鳴  
日暮尚未息薨々天向明蜂蠆毒可防蚊蟲害爲輕

蜈蚣穴底居蛇虺草中行觸之乃肆害反不如尔憎  
止棘比諛佞汚壁喧謗聲所以歐陽子作賦窮尔情  
安得奮劍逐坐遣形神清

惡蠍

壁蠍本惡類滋息乃其常髮髮衆足多連螿一尾長  
宛々隙間伏蠕々土中藏潛形固深匿搖毒終自防  
乘間恣一螫號呼徹穹蒼蝨斯羨嗣續蟬蜩韻官商  
蟋蟀秋正吟熠耀夜有光微物咸可嘉尔獨性匪良  
我來客幽薊恒恐爲尔殃辰興視我履夕寐拂我床  
如聞緣枕席攬衣起彷徨已風多善藥去尔庸何傷  
吾將告軒岐逐尔出八荒

春日同鄒侍講梁紘詩二王脩撰周主事遊

長春宮遺址以蓬萊山在何處六字爲韻六首

彤霞出滄海白日照高空煙草忽已綠黃鳥鳴春風  
古城宜西郊在昔竒且雄羲々蕊珠闕璇題映雕櫳  
羽蓋耀雲日飈車躡星虹云有丘真人高步振其宗  
毛骨久已脫神遊青天中焉知百年內斷楚栖寒蓬  
浮雲蔽緱嶺滄波隔蓬萊樓船不復返吹簫何時回  
所以古仙人求之信艱哉麻姑貌如花霜鬢已摧  
况彼彭與晁安能久徘徊扶桑半爲薪流景倏西頽  
焉得乘雲鶴汗漫凌九垓不如飲美酒長笑天風來  
昔者阮與劉采藥天台山忽逢兩美人雪膚綠雲鬢  
嫣然發皓齒豔色誠可餐綢繆結歡好燕婉多嬌顏  
披之紫霞裳餌以黃金丹伉儷豈不樂胡爲念塵寰

歸來復再往仙駕不可攀但見桃花下綠水鳴淙淩  
吾聞安期生逍遙住東海飛步凌紫氛一往成千載  
容顏宛如昨玄髮殊未改仙岩有壘盡路遠不得採  
俯視三神山茫茫隔烟靄洪波相噴激大鰲竟安在  
不知繁華子擾々何所待誰能學魯陽揮戈駐光彩  
子房有仙骨夙志在煙蘿長揖降隼翁拂衣向岩阿  
招邀赤松子羽駕時相過蟪蛄已無迹雲山空差我  
我歎徃從之來去恐蹉跎芳顏豈長好白髮日已多  
落葉不返枝逝川無回波仰望不可及歎息終奈何  
夜夢一仙人羽衣空中度手持白玉屑和以金盤露  
欣然勸我餐誓令紅顏駐覺來異其人開戶不知處  
餘香尚在口自謂精魂固寤寐能幾時容顏遽云暮

回看鏡中髮一半已垂素仙道諒未然誰能識其故

雜詩

鉅都信佳麗甲第連高雲九衢若流水飛蓋馳雕輪  
日出市聲動百貨列奇珍絲管喧晝夜餘響四邊聞  
婦女絕世無艷色嬌青春穠粧馬上笑茜羅繡衣裙  
青樓臨路側珠帳疊錦茵揚眉發皓齒吐氣若蘭芬  
所歡諸夙顏燕婉情相親不惜金尊盡惟憂白日曛  
娛樂豈有極秉燭恒達晨戚戚里中女效顰良苦辛

巢睫集卷之二

七言樂府

天廐神兔歌

永樂七年春二月余以扈從北巡給賜內廐  
兔色馬一匹蓋朝鮮有所貢也神俊超越異  
於凡馬經數千里若有餘力予聞古良馬有  
赤兔之名故作神兔歌以贊之

天廐名馬不易得鳳臆龍髻秋兔色園官廐養十載  
餘云昔來自朝鮮國想當此馬初生時蛟龍降精雷  
雨垂房星夜墮水盡赤雲霧下繞靈風吹雄姿逸態  
真神俊踔佻蹄高雙耳煖目光夾鏡炯方瞳汗血流  
珠膩紅暈朝鮮得此不敢騎覆以黃氈獻赤墀迺知

天旣盡龍種如此萬疋皆權奇今晨鞞出迥殊絕  
從鑿輿自超越朝趨遠蹴交河水夕秣驕嘶薊城月  
君不見騂騮驪騮古亦多老不一試將柰何馭駘無  
力枉蹠蹠俗馬有肉空差我平生憐亦獨遭遇繡勒  
金鞍照瓊署相期慎保不几姿萬里長隨六龍馭

寒夜曲

銅山泣露宮虬咽魚鑰金寒炯微月十二樓臺凝冷  
光青娥踏天作飛雪鮫人鑿冰出海底海闊冰堅愁  
墮指風刀剪斷朔雲飛萬戶沉一泓水貂裘無暖  
紅燭滅八尺青綾已如鐵蘭麝香銷冷畫屏夢破秦  
樓肌玉裂龍鱗差一溝水繞銀床無聲金井悄睥睨  
鴉啼曙色分起聽瓊籤報天曉

贈筆工陸繼翁

吳興筆工陸文寶制作不與常人同自然入手造神  
妙所以舉世稱良工有時盤礴坐軒中石盤凝清如  
鏡中空山老兔脫毛骨簡拔精銳披蒙茸平原霜氣  
在毫末水面猶覺吹秋風製成進入蓬萊宮紫花彤  
管飛晴虹九重清燕發宸翰五色絢爛皆成龍國初  
以來稱絕藝光價自此垂無窮惜哉文寶久已死尚  
有家法傳繼翁我時得之一揮洒落紙欲挫詞場鋒  
素心蘭蕊動光彩栗尾鷄距爭奇雄竭來簪此扈仙  
隄款補造化難爲功夢中無人授五色安得錦繡端  
心曾閑來書空不成字縱有篆刻慚雕蟲幸今太平  
重文學玉堂金馬多奇逢莫言盛世少知己爲我寄

謝管城公

北京送從兄復先還戍遼陽

從兄少小辭鄉縣二十五年經一見只今已是四十  
餘平生涉歷艱難遍憶昔伯父送兄行千里拏舟同  
入京長安道上不忍別臨岐飲泣仍吞聲別來幾時  
伯父死舊業盡空遺二子大姊有家仲子亡一門骨  
肉今能樂兄去從軍良苦辛漂泊天涯惟此身拜迎  
折腰事官長顧盼回頭無室人去時同行多隊伍逃  
亡強中丁男補十載邊頭始闔婚有子讀書令十五  
營中無事但耕鋤輸官豈復求贏餘地寬買牛多種  
粟路遠念家難寄書弟來北京已二載東去關山近  
遼海都門邂逅不相識鄉音盡變容顏改塞上風沙

凋弊表說着故園双淚流  
細論征戍苦  
清離別忽匆、相見何曾久  
明日官橋又分手  
朔雪  
得遠三塞雲東風未發金臺柳  
莫言碌、軍籍中之  
夫年肯志途窮不見汾陽起  
微賤唐史猶傳第一功  
送胡學士扈從北征

朔風吹塵起搔屑 天子親征仗黃鉞  
甲冑光搖玉 聖雲旌旗影度榆關月  
知君此日承寵恩 扈駕乘春  
出塞垣 銀鞍錦鞵耀白日  
馬上坐擁貂裘溫 時、召  
對咨詢 久折衝 籌策君能有  
載筆多裁羽檄文 傳宣  
屢賜宮壺酒 胡沙漠、黃入天  
鳴笳疊鼓過祈連 雕  
戈畫明瀚海雪 鐵騎夜走狼山煙  
天兵奮迅清大漠 龍光照見  
旄頭落 帳外交馳猛士歸  
鞞前迭獻戎酋

縛邊頭兩露回陽春一洗萬國無纖塵歸來定草平  
胡詔須是玉堂第一人

出塞行送楊庶子

祈連山前雪花落胡離崛起妖氛作昨日邊頭得報  
書旄鉞煌煌向沙漠帳前猛士擁貔貅長驅擊胡  
為愁鳴笳夜度燕山月飲馬朝枯瀚海流羨君久處  
詞垣職早有才華聲籍侍從多陳帷幄籌傳宣并  
草鞵門檄萬里龍沙北到天前營後部遙相連寒聲  
蕭騷起刁斗殺氣莽蒼連烽煙挽鎗墮地旄頭滅劍  
鋒已濺單于血部落全歸大漠空一洗腥膻掃殘孽  
六軍凱歌大駕還迴鞭却度居庸關歸來彩筆紀首  
不用勒石燕然山

車駕北征右諭德金公扈從賦此贈別

寒雲慘淡邊塵黑虜騎憑陵在東北天兵帶甲八十  
萬千里長驅如霹靂平明下詔親出征二月龍輿發  
北京東風關塞旌旗影落日沙場笳鼓聲知君文采  
金閨彥扈從恩榮總堪羨龍泉寶帶黑貂裘虎韞雕  
弓白羽箭帳前獻俘報捷歸帳中草檄筆若飛狼烟  
乍起雪載路羌笛橫吹霜滿衣妖星夜墮氣蕭索席  
捲穹廬空大漠橫行絕域拓封疆直過窮荒收部落  
歸來意氣擅才雄鏡歌先進明光宮豈知折衝在帷  
幄世上空聞衛霍功

望嶽歌

在平早行烟雲四斂曙色喜微忽見泰山屹



立青天中蓋相去幾二百里而此山磅礴峭  
拔若此信乎登東山而小魯矣故作詩紀之  
我欲登泰山憑高望八極浪跡二十年蹉跎竟難  
得今晨馬上忽見之屹立東南半空碧想當洪濛時  
二氣相蟠鬱大塊戲黃土莫能識其端圓靈降崔嵬  
方坤孕峯巒一朝天地劃開闢但見千丈萬丈高嶺  
屹乃知造化神設此奠坤軸巨靈枕其顛六螯戴其  
足愚公不能移長房不能縮天公經營鬼斧鑿削出  
千數百峯青立玉自從上古來南風吹不平日月吐  
華彩星宿揚光晶寒崖積冰雪陰壑馳風霆雲霞絢  
明晦草木發精英上浮金銀氣下潛魑魅形岩、曾  
所瞻作鎮朝百靈秦皇漢武巡遊遍玉檢金函重封  
柏風雨莓苔往日碑煙霞松柏當時殿由來五嶽秩  
三公况爾巨鎮山之宗鍾靈毓秀杳莫測磅礴下土  
尊其廟我皇御天生有聖德廣彰仁化誕布恩澤一  
舉平安南再舉清漠比車駕時巡過泰山望祭築壇  
陳玉帛小臣幸此奉宸遊一覽茲山慶山色雖無涓  
埃補河嶽頗有詞氣洒曾臆他年載筆頌神功刻盡  
泰山之上石

### 銅甃瓦硯歌

臨江郡守得銅瓦硯以遺中書舍人吳君仲  
平吳君邀予賦之因成長歌以記其事云

征西將軍蓋世雄睥睨漢鼎驕成功建安 天子在  
掌握車駕又徙輟輟東策勳定爵分茅土赤烏煌

輝袞黼鑄成銅爵起高臺繡戶珠房貯歌舞繁絃急  
管鳴未終葛汁啖盡金樽空分香膏履恩愛畢西陵  
落日生悲風三方鼎峙霸圖熄玉輦金輿已無迹冷  
雨寒煙滿鄴中惟見銅駝卧荆棘誰怜地老天亦荒  
宮瓦散落猶深藏千年劫火煉不化至今出土生輝  
光草根纏繞苔蘚蝕鄴中野人初未識臨江太守欣  
得之此物不應同瓦礫慙慙拂拭重磨礪制作豈讓  
端州工鳳池先生真好古寶此乃與瓊瑰同先生自  
昔稱才俊忽見珍竒豁方寸龍香麝臍益光妍玉質  
金輝發清潤翻思淪埋塵土鄉此日還登君子堂竒  
姿曾識奸雄面清玩宜親翰墨場君不見漢家諸陵  
在荒野玉魚金盞無遺者旦悟愚民盜一抔不知

作鴛鴦瓦

瑞菊

東嘉先生富文學十載從容侍帷幄平生襟度河洒  
落官舍清幽似林壑地偏沃饒匪境埭南軒藝菊東  
籬若是時九月秋蕭索瑟瑟商風振寒廓寒芳歲綻  
花始着紫白紅黃相間錯露華爲洗姿容灼霜力昂  
藏枝幹弱中有竒株秀且嫵一帶翹然挺天華天工  
巧將金玉琢花神細蹙紅綃薄初疑亭々立雙鶴駢  
頂丹砂將俛啄又疑粉蝶爭拂掠捲翅益樓如可捉  
飄々英皇在遐邈綵翟霓旌動輝耀翩翩韓弼雙綰  
約翠袖輕盈露珠裸燁如宓妃出河洛皎如魏姬降  
衡岳護以祥煙籠綠幕飲以流霞臉逾渥檀心膩臍

黃畧鑠寶鼎煉丹真汞躍瑤雲不隨真鶴驚五色輝  
輝射叢菊吐芳不用誇芳蕊傾日寧須羨葵藿芙蓉  
牡丹與芍藥空詫重穠爭灼爍何如秋芳甘淡薄毓  
瑞呈祥契冲漠二儀和氣互磅礴品暈胚臍人未覺  
先生才氣真美璞至寶温然質純確胸中素蘊經濟  
畧日與夔龍相唯諾論思獻納能審謬豈笏朱衣兼  
荷橐優游詞林膺顯爵一門具慶和且樂乃知造化  
意有托孕此奇葩迥超卓一時盛事傳館閣錦筵置  
酒花前酌酒酣興至觥籌數坐彈瑤琴捲珠箔紫蠅  
擘螯霜鱸斫醉來弄花香滿握雅頌風賦恊韶樂錦  
繡珠璣粲照絡詞鋒燁、雄相角寶匣龍泉拂双鈞  
出規八矩謝繩削治世之膏本淳朴嗟予後至辜前

約引領奇蹤空踏躩汗顏血指不善斲瑣細雕蟲乏  
宏博斐然續如追衆作留取卷中資一噓

和姚少師廣孝禁体雪詩韻禁不用縞素皓  
白物及正月梨梅鍊絮比擬

壬辰季冬天大雪寒氣刮膚嚴栗烈隨風歷亂覺輕  
飄過眼縱橫驚屢警填深歆遣地俱平塞險疑將路  
橫截初看著濕半沾泥漸見綠高遂成垓城郭朝昏  
杳莫分川原遠近那能別豪士方欣鶴氅披貧翁只  
歎鶉衣結九衢車馬市聲稀四野漁樵踪跡絕硯池  
滴水凍已凝冰柱挿簷堅不拆鳥雀歸來失舊林狐  
兔悲羶迷故穴雞群悞曉頻唳喔鴈字書空就漫滅  
湯泉陡覺氣凝涸凍井何由味清冽表安僊卧仍閑

門誰復清談尚霏屑剡溪作發乘清興東郭履穿甘  
苦節羊羔金帳悄無歡獸炭紅爐豈能熱漢使飢冷  
忍嚙毡越客乍逢驚吐舌香銷寶鴨火難溫冷澁銅  
虬漏微咽禩祥已應臘前期瘴癘盡息人間孽擬和  
陽春郢客歌預占豐歲村農悅追趨幸接三孤重慶  
賀叨陪百官列興來但使酒如渾夢穩豈知衾似鐵  
已聽黃鍾振雅音獨慚瓦缶微吹呖

陳員郎奉使西域周寺副席中道別長句

漢家郎官頭未白  
危從初為兩京客  
忽逢天邊五色書  
萬里翩向西域腰間寶劍七星文  
連旌大旆何續紛  
解鞍夜臥營中身攬轡  
朝看隴上雲黃沙斷碣  
千迴轉玉關漸近長安  
遠輪臺霜重角聲寒  
蒲海風

高云力軟茲行騎  
從歷諸蕃毡帳依微絕  
漠間殘烟古樹羌夷聚  
遠火荒原獵騎還  
蕃酋出迎通漢語  
穹蒼蒲萄酒如乳  
舞女爭呈于闐粧  
歌辭盡協龜茲語  
管絃半醉看吳鉤  
上馬便着金貂裘  
山川遙認月支窟  
部落能知博望侯  
草上風沙亂騷屑  
邊頭日暮悲笳咽  
行窮天盡始回轅  
坐對雪深還仗節  
歸來雜還宛馬群  
立談可以收奇勳  
却笑古來征戰苦  
邊人空說李將軍

燉煌曲

唐憲宗時吐蕃使其  
中書令尚騎心兒攻  
燉刺史周鼎嬰城固  
守鼎請救回鶻踰年  
不至都知兵馬閣朝  
殺鼎自領州事守城  
者八

年出綾一段換麥一斗存者甚衆朝喜曰可  
以死守又二年糧械皆盡登城譁口為母徒  
他境請以城降騎心兒許諾於是出降自攻  
城至是十一年州人皆服臣虜歲時祀祖父  
衣中國之服號動而藏之

吐蕃健兒面如赭走入河湟放胡馬七關蕭索少人  
行白骨戰場縱復橫燉煌將士抱戈泣四面朝笳聲  
轉急烽烟斷絕鳥不飛十一年來不解圍傳檄長安  
終不到借兵回紇何曾歸愁雲慘淡連荒漠捲地北  
風吹雪落將軍錦韉暮還控壯士鐵衣夜猶著城中  
死綾換斗麥決戰寧甘死鋒鏑一朝胡虜忽登城  
上蕭蕭羌笛聲當時左衽從胡俗至今藏得漢衣服

年：寒食憶中原還著衣冠望鄉哭老身幸存衣在  
篋官軍幾時持獻捷

### 龍支行

唐穆宗時遣大理卿劉文鼎出使吐蕃道成  
紀武川以至龍支城耆老千人拜且泣問  
天子安否言頃從軍戰敗于此今子孫未忘  
唐服朝廷尚念之乎兵何日來言已皆嗚咽  
密聞之豐州之人也

龍支城頭暮欲角黃雲蔽天沙草薄虎髯使者長安  
來持麾擁蓋邊塵開城門盡是胡兵守城外老人多  
白首拜迎使者雙淚流問云 天子今安否自言家  
世豐州住少小辭家隸軍戍吐蕃昨日犯蕭關胡騎

長驅涇隴間將軍戰敗鼓聲絕棄戈遺鏃填立山自  
從陷沒身為虜五十年来在邊土依棲部落作蕃人  
生長兒童盡胡語朝看烽火望中原夜聽鳴笳思故  
園頽垣破屋誰家宅斷碣荒然何處村奉使還時報  
天子早遣官軍復清水假令老身歸即死已免遊魂  
作胡鬼

### 酒壚行

東家酒壚大道中百尺酒旗垂裊風少年兩姬何窈  
窕當壚一笑顏花紅道傍過者頻回首駐馬停車更  
呼酒壚頭酒薄渾不知笑勸相歡坐來久西家酒壚  
相向開雕盤綺饌連金罍門前寂寞少行迹塔面夜  
雨生青苔由來酒徒多重色愛此紅顏在壚側暫時  
過眼寧盡歡囊中有錢應不惜誰將此意報兩隣坐  
中無客且莫嗔東隣兩姬一朝去門前亦無呼酒人

### 邯鄲曲

邯鄲女兒貌如花手縮雙鬟盤作鴉窄襟小袖巧粧  
束畫得秀蛾雙黛綠嫂、嫻、十五餘自矜嬌態誰  
得如春眠不穩翠衾薄起向東風惜花落誰家寶帶  
繡鴛鴦何處畫屏開孔雀邯鄲城中多貴遊投金填  
壁紛相求父憐母惜嫁時早自比連枝願終好芙蓉  
帳深紅錦幔烹犢魚羊列華饌生來不識機杼聲身  
上羅襦幾回換翻憐隣女嫁田家朝去採桑夜績麻  
年、辛苦事織作嫁時衣裳老還看

### 薊門老婦歌

薊門老婦歌且行一曲斷腸多苦聲時掩面向人  
泣罷從前道姓名自言少小顏如玉金縷羅襦閨  
粧束先朝丞相重清歌教得新翻太平曲雕房繡闥  
高差我五侯七貴時經過就中艷色自無數俛首低  
鬟聽我歌行雲斷絕梁塵起滿坐停杯驚且喜當筵  
一擲千黃金翻惡管絃徒聒耳只言歡樂度青春不  
識人間賤與貧向來風景一朝異翠鈿散樂隨埃塵  
況今衰老轉蕭索惟有茅廬傍西郭閑來還唱舊時  
歌不覺一雙淚淡落人生豈得長少年一貧一賤皆  
自然銅錢終餓死古往今來何足憐

車送

向何處

邊猶聽聲麟望盡飛塵不知

妾獨在空閨蟬對青春唯有一寸心萬里隨車輪  
願君到家後車輪生四角不願歸時金滿堂願君早  
歸貧亦樂

行路難

繡簾窄地蘭房深猩紅蜀錦芙蓉袞翠髮二九腰肢  
小楊柳嬌春時嬾羽林少年輕薄兒相逢盡道歡  
娛少華觴半酣滅紅燭合歡寶帳連環玉楚雨巫雲  
夢未蘭水咽銅虬漏聲促瑠弓白羽誰家郎射鴨忽  
中雙鴛鴦錦綉繡臆半摧落顧影含淒空自傷只言  
比翼成歡侶中道分飛却愁苦從此飄零失故棲寒  
寘銀塘鎖烟雨君不見東家女兒嫁夫婿寶鏡雙鸞  
照珠翠畫得蛾眉八字新朝暮不相棄

漁父辭劍圖歌爲胡學士作

楚國蒼蠅競詭毀伍奢飲恨忠臣死慷慨誰家報此  
讎東走昭關幾千里長江怒濤雪山立追騎如飛忽  
相及倉皇豈料逢老翁獨棹扁舟濟危急腰間寶劍  
光陸離持以贈翁、莫疑丈夫困厄古來有我得汝  
劍將奚爲楚人有粟五萬石一劍寧論百金直嗟哉  
老翁今已亡此意畫者應不識

題趙雪三十九馬圖

吾聞天馬生水中房星夜墮波光紅虎文鳳臆真異  
狀一日千里能追風平原草綠春波湧雄姿逸態人  
皆竦騰騫磊落如有神三十九匹皆龍種風駿霧鬣  
擺長雲五花鬃、簇錦紋就中一匹獨奇絕驕嘶似

欲追其群前年從征破強虜踏碎陰山力如帚尾絲  
宰地逐流星汗血凝珠散紅雨今年北去掃殘胡駿  
馬驍驍絕世無追奔已窮沙漠盡渴飲能令瀚海枯  
騏驎驕驕古所惜况此驅馳樹勲績君不見穆王八  
駿空爾奇弄影瑤池竟何益

楊諭德所藏王孟端墨竹歌

王郎畫竹何神奇落筆更覺清風吹蛟龍怒奔雷雨  
泣滄溟倒捲雲淋漓有時半酣索紙墨兔起鶻落誰  
能測縱橫滿眼金錯刀四座陰森冰雪色九疑峯高  
青入天洞庭水與三江連霓旌翠羽半明滅至今瞑  
拂蒼梧煙玉堂之居迥蕭爽誰與此君同一賞關西  
公子襟抱清對此倏然絕塵想我亦平生愛竹流乘



興歎作瀟湘遊何時濯足弄明月推蓬却聽江南秋  
題陳所翁十四龍圖

神龍靈變不可測昔者所翁親見之豪來落筆縱揮  
洒飛騰夭矯真雄奇忽然破石海水立馮夷震駭蛟  
人泣頭角軒昂雷雨垂爪甲淋漓煙霧濕歟來爭鬪  
勢轉雄怒氣欲捲蒼溟空銀濤洶湧逐奔電白日慘  
淡生長風左蟠右攫驚恍惚驪珠射波光盪潏鼓浪  
遙摧蛟蜃宮乘潮屢撼龜鼉窟乃知所翁藝絕倫不  
必見之久更真蜿蜒十四各異狀揮霍變化何其神  
請君深藏當愛惜展卷猶疑驚霹靂嗟哉所翁今已  
亡人間自此無真跡

姚少師所藏八駿圖歌

周家八駿如飛電夙昔傳聞今所見銳耳雙分秋竹  
批拳毛一片桃花旋肉駿疊聳高崔嵬權奇知此真  
龍媒霜蹄試踏層冰裂駿尾欲掉長飈迴瑤池宴罷  
歸來早絡月羈金照京鎬紫韉飛時逐落花雕鞍解  
處眠芳草由來駿骨健且馴弄影嬌嘶不動塵有時  
渴飲天津水五花照見波鄰々圍官騎來難久住飲  
向春流最深處珠銜寶勒不敢疏直恐飛騰化龍去  
古來善畫常與韓此畫豈同凡馬看人間造次不可  
得首蒼秋深烟雨寒

題楊大僕所藏趙松雪春牧圖

吳興趙公善畫馬昔者韓幹空得名偶然寫此數十  
匹縞素漠々長風生奔騰踉蹌各有態權奇不比駑

駘輦在野直令凡馬空浴川曾與神龍會背爲虎文  
照白沙黑雲滿身散作花玉駿連錢躍白雪汗溝走  
血蒸紅霞迺知駿骨皆殊絕逐電追風自超越蘭筋  
颯爽千里姿伏櫪馬能受羈紲唐家封禪事虛文四  
十萬匹空如雲只今內廐馬無數馬跡所至成奇勳  
叮嚀大僕毋看畫問國之富當數馬

楊學士所藏王孟端古松流水老檜蒼崖圖  
古來畫松稱絕藝畢宏韋偃俱擅名豈知王郎亦畫  
此醉墨淋漓人始驚時、酒酣拂絹素意底經營有  
神助霞雨懸崖虎豹蹲雷霆破石蛟龍怒松根泉流  
響琮琤千巖萬壑皆秋聲高堂六月不知暑對此恍  
覺形神清偶然揮洒造神妙肯與畢韋論老少謾想

巢邊白鶴歸虛疑葉底清猿嘯斯人平生少畫松乃  
有此圖奇且雄嗟哉死矣不復得徂徠寂寞生悲風  
王郎工畫妙入神平生強項世取嗔有時興至自盤  
礴睥睨已若旁無人忽然放筆作古檜白日煙雲條  
冥晦淋漓盡帶雷雨垂慘淡長疑鬼神會古藤纏絡  
枝相膠屈鐵礫砢騰蛟虬左擎右攫飛不去崖石款  
裂山精愁王郎一生何不遇五十得官嗟已暮胸中  
時吐氣崢嶸半落蒼崖化為樹知君愛此長蕭森藏  
之顏比雙南金秋來恐有乘槎客泛入天河無處尋

題從姪景武藏王元章梅花歌

會稽王郎工畫梅妙奪造化何神哉有時興至即揮  
灑千片萬片繁花開吾家阿宜尚清雅購畫收書不

論價作日錢塘得此圖云是王郎之所畫我家昔住  
雲水鄉寒梅遶屋花成行自從來作兩京客不見梅  
花餘十霜當時泄漏春消息一枕梨雲夜無跡玉骨  
冰肌絕世無相對那知舊曾識玉堂展卷賦新題鄉  
心忽到江之西何當載酒踏晴雪隨處看花信馬蹄

巢睫集卷之二終

巢睫集卷之三

七言律詩

殿試罷作

曉開三殿降絲綸袞冕臨軒策小臣紅燭影催金闕  
曙紫霞香泛玉壺春雲霄九萬扶搖近禮樂三千制  
作新淺薄未能宣聖德願歌棫樸播皇仁

乙酉正月元夕次黃庶子韻

絳蠟爭燒夜景新銀缸點處綴繁英根荻不假陽春  
發光彩常從午夜明撲爐素娥飛不到尋芳粉蝶誤  
還驚不勞羯鼓相催處此夕韶華過洛城

蓮花燈次胡庶子韻

絳蠟爭燒夜景新芙蓉何事獨先春恍疑金炬初歸

院不借清漣已絕塵光映若耶溪上女影隨太華井  
頭人若教真可浮波去太乙乘舟便脫巾

戊子正月十二日大祀南郊分獻

天子南郊祀旻穹瑤壇齋祓謹嚴中簫韶合奏聲容  
備袞冕遙臨禮意崇銀燭光寒明瑞雪金爐煙細度  
香風微臣裸獻慚無補但祝蕃禧集聖躬

正月十四日扈從幸鍾山觀靈谷寺塔影因

命讀朝鮮國陪臣所和聖製塔影詩并賜觀

臣啓和韻之作

寶塔呈祥變現奇鸞輿臨幸早春時雲霞絢綵常交  
映闌檻回光盡倒垂方外靜觀諸佛相御前遍讀遠  
夷詩賡歌已得經宸覽才薄慚無絕妙詞

訪竺臺瑋上人故居

瑋師沒後已經年古殿陰廊亦悄然西去竺天還不  
遠南來衣鉢竟誰傳風旛不動空中影塵榻曾遊醉  
裏禪歸客豈堪愁絕處西風黃葉寺門前

經故妻婁氏墓

宿草寒煙一徑微孤墳三尺對斜暉多情已逐行雲  
斷薄命先隨落葉飛燕寢香消人未老龍門選罷客  
初歸塚頭多是無花樹縱有春魂何處依

過殤婦孫墳

壬午年中哭汝時只今回首轉堪悲探環往事誰能  
問埋玉重泉恨未遺澗裏雲寒松窈窕墻陰露白草  
離、傷心千里南歸客泣血西風淚兩垂

鞋山

重湖深處露嶙峋，弓樣裁成一曲勻。沙草翠鋪羅襪，  
潤野花紅襯綉紋。新圮橋墮處，偏臨水葉縣飛來不。  
染塵。若是浪珠頻濺石，更疑上客在春申。

已丑春將有扈從之行寄龍虎山張真人宇初  
會陪巾舄坐容臺，有約尋仙踏雪來。欲候青牛度函  
谷，又承丹詔上蓬萊。京華冠蓋從龍去，閬苑音書附  
鶴回。遙想春歸煉丹處，東風千樹碧桃開。

春日扈從幸北京和胡學士韻

警蹕宵嚴向北巡，龍輿行處布陽春。喜陪載筆同隨  
輦，不比乘槎遠問津。鶯囀上林催淋氣，馬嘶馳道蹴  
香塵。一官幸備詞垣職，才薄羞稱獻納臣。

車駕過江

朱旗畫戟擁隄沙，錦纜牙樯照浪花。佳氣迥浮江北  
樹，曉光初絢海東霞。雲中鸞鳳扶丹輦，水底魚龍識  
翠華。不用臨流羨天塹，只今四海盡爲家。

駕次江心驛

清蹕初停日未西，鴻臚將引唱班齊。營門風暖千旗  
動，輦道雲香萬馬嘶。草綠野塘多是水，雨乾沙路不  
成泥。忽傳四鼓鸞輿發，不寢時時聽曉鷄。

訪宿州太守不遇次王脩撰時彥韻

繞堤官柳拂晴沙，步入孤城日已斜。殿上六龍初駐  
輦，郡中五馬未歸家。興闌猶對芳樽酒，坐久頻燒夜  
燭花。自嘆江南羈旅客，醉來忘却去程賒。

謁先主廟

遙知天意祚炎劉，又見真人起涿州。  
三國英雄空割據，千年正統繫春秋。  
觚稜雲氣浮金爵，寢殿香烟傍冕旒。  
猶有葆桑遺跡在，行人駐馬暫淹留。

三月七日駕至北京

宿衛先陳鹵簿儀，千官劍佩立彤墀。  
教坊合樂迎鸞處，禮部開函進表時。  
北闕曉光明鳳袂，西山秀色上鸞旗。  
退朝緩步歸青瑣，花滿春城淑景遲。

訪趙司業話舊

曾隨鳧鳥下青冥，晚向成均校一經。  
六館生徒沾化雨，兩京人士識文星。  
河陽舊日花皆滿，薊北逢春草又青。  
樽酒細論相慰籍，莫將踪跡嘆浮萍。

謁文丞相廟

國事艱危屬秉鈞，平生慷慨竟捐身。  
百年社稷歸元主，萬古祠堂表宋臣。  
已見高名垂宇宙，還瞻遺像肅冠紳。  
當時碧血生芳草，留得清芬歲歲春。

寄紀善仲隆江先生

遠承玉輦奉宸遊，喜得音書自潞洲。  
白首去家成遠別，丹心報國故多憂。  
山從寧晉連天起，水向汾河入海流。  
莫謂宦途千里隔，時時尺牘慰離愁。

懷王叔討解待英國公南征

牙旗玉帳去翩翩，籌策于今羨獨賢。  
官在玉堂通禁掖，路從銅柱入炎天。  
行軍未說張油樂，破賊頻看草檄傳。  
早晚南荒氛祲息，鎮夷關外凱歌旋。

遊慶壽寺

岩堯古刹傍城陰  
畫靜禪扉聽梵音  
風度曇花隨處落  
雨餘樹色望中深  
老僧相見開方丈  
遠客因過契賞心  
爲喜官閑居止近  
退朝時得共幽尋

夏日留坐行忠上人房

白石蒼苔一逕通  
閑尋遊處到禪宮  
上方鶴唳風聲外  
古鉢龍藏雨氣中  
仙梵隱時初出定  
天花落處坐談空  
相逢即是白蓮社  
不必廬山問遠公

遊崇真萬壽宮因訪葛大常

蓬萊官闕禁城東  
舊主真人向此中  
鳳去緜山雲夜月  
鶴歸華表怨秋風  
飛花入戶丹房靜  
古木垂蘿殿宇空  
此處忽逢句漏令  
欵因暇日問參同

西城晚眺

薰風烟樹起薰風  
繚繞川原四望通  
雲氣迥連蒼海上  
人家還住舊城中  
獨尋芳草行應遠  
閑對遙山思不窮  
歸到玉堂仍待月  
隔窗涼影在疎桐

扈從幸天壽山

祥雲五彩護長陵  
地志深符郭璞經  
千澗盡通滄海白  
諸峯遙入薊門青  
星臨仙仗知天近  
雲擁鸞輿識地靈  
此處經營時駐輦  
幾回清蹕到岩扃

萬歲山

萬歲山山枕碧濤  
廣寒宮闕倍雲高  
畫橋御路遙通鶻  
滄海神峯盡戴鵝  
嵐裏飛花隨綵仗  
岩前深樹隱宮袍  
昔人都此誠佳境  
留得宸遊醉碧桃

海子橋

鯨海遙通一水長  
滄波深處石爲梁  
平鋪碧甃連馳道  
倒瀉銀河入苑牆  
晴綠乍添垂柳色  
春流時泛落花香  
微茫迥隔蓬萊島  
不放飛塵入建章

送聶大使永昌自陝西使回至行在復還南京

秦關百二古山河  
使節應從幾處過  
喜賦皇華歸鳳闕  
還開祖席唱驪歌  
檣帆杳杳趨京遠  
風雨瀟瀟入夏多  
若見鄉人應借問  
兩都詞賦屬鑾坡

得周編脩書兼東西兩京諸同年

別離易久覺情疎  
旅舍幽閑嘆索居  
遠客每勞千里夢  
故人初寄一行書  
滿城山色晴雲外  
近海潮聲過雨餘  
禁裏昔年同學者  
班揚文字竟何如

早秋寄鄭紀善孟宣兼呈王中羨先生

昔年相見二毛初  
此日星星鬢已疎  
官舍每看臨罷帖  
內廷還校進呈書  
薰葭白露經霜後  
莎草黃雲落照餘  
聞說舊時王大使  
好官新拜曳長裾

送呂僉事赴山西

昔年持斧豫章城  
總謂乘驄衣綉榮  
江右諸生歸妙選  
部中黎庶識清名  
風霜搖落丹心在  
湖海飄零白髮生  
西去大行官舍近  
柏臺還似舊時清

中秋分韻得多字

乘月歸來散玉珂  
又經佳節客中過  
清光初上金鑾殿  
素影先澄大液波  
萬里關河秋氣迥  
九霄風露夜涼多  
廣寒有路知天近  
曾聽霓裳第一歌



和胡祭酒新居之作韻

移居近向幽偏處雪爾霜毫得句新門對西山添爽  
氣地連上苑隔書塵清明舊見堂籬集美化曹問邑  
雉馴莫謂客懷多寂寞東風桃李滿門春

冬至喜暖和梁贊善韻

灰浮葭琯一陽生殘雪初消節後晴宮日添長宜刺  
綉仙韶迎暖漸調笙喜陪載筆歸東觀更欲移家住  
北京應是朝來天氣暖隔牆絃管送春聲

己丑除夕作

年々客裏逢除夕此夕金臺歲又除爆竹屢喧清坐  
久林花初獻半酣餘春回薊北看新曆家在江南憶  
遠書奏賦未能叨扈蹕獨憐多病似相如

元夕午門觀燈侍宴和鄒侍講韻

宮筵合樂戲魚龍此夕承恩在禁中鰲戴神山來終  
闕鸞隨仙馭下瑤宮星河影轉千門曙羅綺光搖萬  
燭紅頌奉宸遊歌在鐫長陪歡宴樂無窮

二月初十日車駕北征送至德勝門外還守北京  
遠巡沙漠聖躬勞十萬熊羆膽畧豪日上金臺兵氣  
遠天回玉壘御營高漢家有道方全盛胡命無生竟  
莫逃早晚龍庭歸奏凱還迎仙仗候神臯

六月十四日讀平胡詔

鸞輿初駐幹南河虜騎驚奔自倒戈胡運却從今日  
盡封疆遠過古時多千年虎穴消氛祲六月龍沙奏  
凱歌不獨朝廷功業盛三邊從此沐恩波

庚寅十月駕發北京

仙仗宵嚴出九關  
此來巡幸復南還  
省方制度稽三代  
破虜天成振八寰  
鳳輦龍輿辭上苑  
牙旗玉帳照西山  
承恩特賜天閑馬  
又得從容侍聖顏

夜宿任丘

殿前金鼓夜無聲  
野外星沙遶莫城  
燭影迥浮官扇動  
月華偏傍御筵明  
周營騎士還分隊  
直漏雞人又報更  
卧起只應隨鳳蹕  
何須計日間嚴程

謁王彥章廟

一軍如虎獨當關  
梁晉山河百戰間  
豹死有皮遺語在  
馬亡無革裹屍還  
鐵鎗冷臥苔痕澁  
粉壁寒侵瓦色閒  
應有忠魂遊地下  
假疑相見復何顏

項羽廟

百戰休論蓋世功  
鴻門宴罷霸圖空  
虞歌慷慨孤燈下  
楚業銷沉一炬中  
露濕古墻秋蘚碧  
霜含老樹夕陽紅  
英魂若到彭城路  
忍聽高臺唱大風

維揚懷古和胡祭酒韻

廣陵城裏昔繁華  
煬帝行宮接大霞  
玉樹歌殘猶有調  
錦帆歸去已無家  
樓臺處、惟荒草  
風雨年、自落花  
古往今來多少恨  
只將哀怨付啼鴉

喜肖時中狀元及第

鄉衮曾掄宋殿魁  
廬陵文運喜初回  
九重天上承恩渥  
八十人中識俊才  
嘉簡幾年窺夜雪  
龍門一日震春雷  
行人若向青原望  
定有虹光燭上台

同李允周司諫携琴遊天界寺和鄒侍講韻  
獨愛山居在上方深幽渾似遠公房客留丈室同揮  
麈僧飯胡麻獨據床貝葉經翻頻說偈蓮花漏滴靜  
焚香何時更約携琴去閑對青松坐晚涼

送彭巡檢子韶赴闕清兼示光澤舍弟

送君南去片帆歸五月薰風白紵衣路遠閩山征騎  
遠月明蠻徼邏兵稀挑柳綠暗經殘雨荔子紅垂映  
落暉小弟杉關煩寄語客心長伴鵲鴿飛

寄習郎中

昔年游宦滯炎荒晚歲承恩髮已蒼葉縣飛鳧懷  
芝掌漢宮題柱憶仙郎春城貰酒看花遍晚殿趨朝  
聽漏長未得過從常款語相思咫尺愧同鄉

冬日扈從獵龍山同遊牛首山佛窟寺和胡  
學士韻

松下禪扉晝不開垂蘿應許世人攀黃龍說法諸天  
在白馬馱經幾日還近午泉聲晴雪後隔林僧影夕  
陽間不須久住烟霞樂暫得尋幽即是閑

數聲清磬遠微一始覺塵踪到此稀僧向定時聞葉  
落客從坐處見雲歸佛居華藏那營窟心會真乘即  
悟機賜得官袍新製錦未應還羨五銖衣

路入禪宮殿影斜緝園林樹拂雲霞山僧書學唯收  
葉天文聞經屢散花閑禮六時占刻漏靜觀諸相具  
袈裟何年更得忘塵累來看浮雲閱歲華

古鼎沉烟一縷微紺園寶地世塵稀風簷鳥避鈴聲

過石洞龍隨雨氣歸閑對佛燈知幻影偶聞僧語識  
禪機祇園坐久天香度無數曇花亂點衣  
剝木通泉落澗斜雕胡炊飯勝冷霞珠林紅樹爭飄  
葉寶地清蓮盡吐花自有天香浮丈室更無塵土澆  
袈裟自知此處成佳境不必三茅與九華

扈從校獵陽山和胡學士韻是日甘露降一  
山勢龍蟠御苑東駕輿行狩百官同馬嘶曙月遙飛  
鞚雕落寒雲乍試弓甘露洒珠凝樹白獵圍燃火燒  
山紅從臣詞氣相如在敢效長楊擬薦雄

扈從校獵武岡胡學士韻

武岡山色勢岩峩仗裏看來未覺遙萬馬控弦衝曉  
霧六龍移蹕近晴霄行隨玉帳珠旗擁歸賜金蓮紫

炬燒清漏初傳霜日白天香滿袖聽鳴鐃

鼓連山起獵塵天臨寒谷盡回春謾陳棧撲陪多  
士能賦長楊屬近臣琴奏五絃歌 聖德網疎三面  
屬深仁致禽豈爲蒐田樂郊藪于今有鳳麟

奉和胡祭酒雪竹之作

雪深庭竹曙光寒覆葉凝梢凍不乾清響入林搖玉  
珮素花飄徑點琅玕未須鶴整扶筇去已勝龍沙仗  
節看莫向尊前裁玉笛梅花吹落滿長安

清陵臺

玉顏掩泣向羅幃夫婿恩深不忍違琥珀枕寒春夢  
斷鴛鴦被冷夜魂飛千年老樹空連理百尺荒臺自  
落暉却憶女墳湖上路可憐韓重亦同歸

戲馬臺

繞堤春樹翠重、項籍遺都有舊蹤城外高臺空戲  
馬沛中佳氣已成龍英雄割據青山在霸業消沉碧  
鮮封此日經過倍惆悵亂鴉啼散晚烟濃

燕子樓

樓外雙旌去未歸樓中窳寞減容輝合歡枕冷愁長  
在織錦機寒恨未遣青鏡自嗟鸞獨舞畫梁無復燕  
雙飛只今豔骨成塵土空有行人吊落暉

過慶壽寺訪忠上人故居

白雲寂、鎖禪關鍾磬依然古殿間葱嶺雪深人獨  
去虎溪松老客重攀塵侵舊榻殘經在苔翳空堦丈  
室開若道三生真有石罍塘煙棹幾時還

禁中聞鶯

禁中金衣綉綠霞好音曾似惜年華千門聽徹春皆  
滿百轉聲餘晝不譁曉暎每依長樂樹綿蠻多傍上  
林花物情自解遷喬意願和簫韶入帝家

哭鄭博士孟宣

宦遊江海髮成霜晚歲聲華勳帶鄉分職共推秦博  
士能書不愧漢中郎家臨閩海關山遠賦就梁園翰  
墨香猶恨旅魂招不得九京霜露轉淒涼

勅建新閣東華門內新成賦呈閣中諸公

東華樓觀鬱岩堯高閣新成抗碧霄祕府書圖金作  
匱御溝流水玉為橋柳添翠色承殷輅鳥弄歌聲和  
舜韶直待幾回清坐久綵旄頻惹御香飄

承天門外御橋東蓮花盛開陪鄒侍講同面  
觀因賦此

玉泉舊繞禁城流菡萏時開滿御溝  
翠蓋拂波常帶雨紅日照水未逢秋  
風翻涼影鴛鴦落露洗寒香翡翠  
愁真處已看花似錦何須遠泛鏡湖舟

和少師姚公廣孝見寄之作

名在三孤第一人烏紗白髮照青春  
平生詩格劉公幹晚節風流賀季真  
袍賜麒麟紅錦麗詔頒鸞鵲紫泥  
新身閑燕坐清如水始覺靈臺絕點塵

深定諸郡野蚕成繭父老採取以進賦詩紀之  
戲巧呈祥奪化機天生靈種在岩扉  
滿山飛雨翻成浴通野尋春足療飢  
作繭自應篇瑞檢縑絲應貯春

山歸染成五色宜增重願繡山龍補舜衣

蟬

性潔應知飲露清翠綃爲翼蛻來輕  
高槐殘雨淒清韻踈柳斜陽斷續聲  
逐鬢巧添歌女媚製冠偏助上公榮  
長吟不獨能驚夢更恐秋來動旅情

蝶

粉白檀黃染翅妍尋芳多在早春天  
留連草色儘飛過貪戀花心幾度穿  
莊子夢中時栩栩滕王筆下更翩翩  
晚晴擬逐園蜂去又被鶯捎到柳邊

螢

輝々無焰復無烟腐草逢秋火獨然  
金井露寒光不滅畫簾風靜影頻穿  
隋王苑裏明珠翠車徹囊螢映

簡編何事却驚羅扇撲夜涼飛過玉堦前

七月四日奉天門勅賜楊梅

武當仙果進金鑾曉殿傳宣賜百官露葉帶香分翠  
枕星丸流彩落雕盤世傳仙種孤根異兆應豐年萬  
國歡幸忝鴈行霑 聖澤詠歌無補愧儒冠

蘋婆

異果曾因釋老知喜者佳實出京師芳腴絕勝千林  
杏甘脆全過大谷梨黃帝遺書慙未錄長卿多病獨  
相宜由來南土無人識那得靈根此處移

送陳司封使哈烈

旆翩：拂曉露遠傳天語度流沙據鞍馬援心猶  
壯交筆班超髮未華路出玉關朝仗節水通銀漢夜

英和四行正值蒲萄熟醉卧涼州第幾家

又

星軺此去遠人歡新賜雕裘不畏寒萬國喜通周譯  
史諸藩爭識漢郎官南天音信憑鴻寄西域山河駐  
馬看聖代遐方同輦轂臨分莫歎路漫漫

燭

曾於鴻寶識神方長送清輝入洞房心到成灰辭綺  
席花如吐艷妬紅粧畫屏掩月兼秋冷紫陌朝天襟  
曙光幾度似應憐遠別向人深夜淚成行

九日登高陪宴

原上霜清宿靄收正逢佳節從宸遊雲開碧岫羅天  
仗露浥黃花對冕旒徧插茱萸當此日初登禾黍及

高秋太平宴樂同京  
鶴頭播歌詩頌有周

送張真人宇清

龍虎真人翠霧衣  
爐香滿袖雪中歸  
曾參寶籙丹丘去  
會輟麟輪白日飛  
方丈神仙歸路杳  
上清福地世塵稀  
茅盈兄弟俱仙骨  
何得相從誤道機

胡祭酒宅飲蒲萄酒席上作

蒲萄新釀出涼州  
對此還思博望侯  
馬乳香分銀甕暖  
驪珠光瀉玉壺秋  
綺筵夜醉頻燒燭  
錦帳春生罷擁裘  
翻笑老農耕作苦  
年種秫滿西疇

張真人宇清別後於舟中作山水小景見寄賦此奉酬

化小首、去乘風遠道緘書付玉童  
乍見烟雲生眼

生懸知丘壑出胸中  
兔毫深處冰侵硯  
鶴氅披時雪捲蓬  
南望洞天應不遠  
石房丹氣出林紅

送舍弟鼎赴快西僉事

舊業青檀闕  
崇科名幸爾亢  
吾宗譜傳東魯先賢  
後家在南塘  
舊社中一曲驪珠愁對雨  
九秋鷓鴣盡橫空  
觀風正好詢遺跡  
百二山河自古雄  
都門祖帳歲華闌  
送爾臨岐情不撥  
駝馬行嘶燕雪霽  
鴈行飛度隴雲寒  
兩京夜雨連床久  
一道秋霜攬轡難  
若對春來池草綠  
日邊有客夢長安

立春日忽憶兩京梅發時分韻得梅字

九重佳氣鵲蓬萊  
一夜春從禁裏回  
御苑綵旂金作柄  
內筵瓊醴玉爲盃  
寶爐香散陽和動  
銀燭光分曙



色開共喜迎新沾 聖澤况逢台鼎足 益梅

觀內廐馬

繡勒珠璣百寶裝 天閑十二見飛黃 行絲轡轆倍仙  
仗嘶過龍樓 識御香玉轡 按時經細柳 錦絲控處獵  
長揚虎文鳳臆真無疋 浪說周家八駿良

贈邊將

龍驤新拜漢將軍 破敵威名塞外聞 夜襲虜營衝雨  
雪 曉占兵氣候風雲 珠旗暖映青山色 玉帳晴連萬  
馬群 自古幾人通將畧 只今衛霍有功勳

春思

鶯啼燕語畫樓東 麗日輕雲護綺櫳 香篆暖飄烟綫  
碧心房 晴滴露珠紅 纏綿客思王孫草 搖蕩春光少

七月晴想多情惟落絮時 飛入翠簾中

二月十七日車駕北巡沙漠送至德勝門外

聖主戎衣總六師 帳前飛將盡熊羆 風雲陣勢隨金  
鉞 日月光華動繡旗 殺氣蒼蒼連萬幕 天威赫赫震  
三陲 龍沙早晚回鸞馭 清穆長歌吉甫詩

北京八景

居庸疊翠

重關深鎖白雲收 天際諸峯黛色流 北枕龍沙通絕  
漠 南臨鳳闕壯神州 烟生睥睨千岩晚 露濕芙蓉萬  
壑秋 王氣自應成五采 龍文長傍日邊浮

玉泉垂虹

跳珠濺玉出岩多 盡日寒聲洒碧蘿 秋影涵空翻雪

練曉光橫野落銀河潺湲舊繞芙蓉殿況漾遙通大  
液波更待西湖春浪闊蘭橈來聽濯纓歌

大液晴波

靈沼溶溶：淋氣回玉泉初暖碧如苔風回鰲背山光  
動日照龍鱗鏡影開飛鳥慣隨仙仗過游魚偏識翠  
華來願傾池水成春酒添進南山萬壽盃

瓊島春雲

自是蓬萊第一峯彩雲千疊映芙蓉隔窓暝鎖花枝  
濕繞殿晴添柳色濃影度仙岩常帶雨光浮御苑  
成龍網縕不獨隨天仗更共祥烟護九重

薊門烟樹

風綠樹繞郊畿烟景蒼蒼：靄曙暉夾道清陰佇

海林空翠濕征衣城邊隱隱：行人度雲際  
宿自歸爲報春來宜聘望恐經霜後葉皆飛

西山雪霽

岩堯遠岫倚蒼冥積素絕消擁畫屏雲影高連千嶂  
白日華光映數峯青林藏玉氣樵人識冰雜泉流野  
客聽政欲登臨窮絕巘餘寒猶恐在岩扃

盧溝晚月

渺渺平沙接遠堤一川殘月若梁西光連古戍迷鷗  
影寒逐清霜入馬蹄雲淡漸隨銀漢沒烟空微映玉  
繩低經過曾此陪仙蹕兩度停驂聽曉雞

金臺夕照

昭王此處有高臺落日城邊霽景開尚想百金求駿

骨終知千里得龍媒樹連平野烟光合鳥帶遙空  
色回總謂招賢從隗始只今誰數樂生才

送潛御史

繡衣南去獨乘駟五月霜飛道路中頭戴多冠簪白  
筆口含雞舌到青宮御溝影漾金鋪日苑樹涼生玉  
殿風自是兩京人物盛才華獨說馬周雄

同宋侍郎本善暨同考諸公登崇文閣

崔嵬飛閣出鬢宮此日憑高思不窮九市笙歌留夕  
照萬家烟樹拂秋空北瞻闕塞居庸險東望滄溟碣  
石雄一覽似能周八極虛勞雲夢詫心胸

中秋試院和鄒侍講韻

東 司深傍碧池閣應詔唯需賈董才多士踏槐天上

幾人攀桂月中來照車喜得隋珠出入手頻將蜀  
錦裁却愛高堂銀燭夜西風涼氣滿樓臺

送鄭御史榦致仕

白髮霜臺聽樹烏封章初上遂懸車九重鳳闕霑官  
宴五色龍文降璽書朔雪曉鍾辭禁署東風晝錦動  
香閭到家散盡黃金後不獨當時有二疎

送陶給事中德温入閩

青瑣仙郎屬近臣朝簪筆侍楓宸手持符節辭雙  
闕口奉絲綸到八閩兵衛幾回嚴簡閱皇華隨處重  
咨詢海隅民俗知何似早晚封章入奏頻

送劉給事中子偉使雲南

御函黃勅紫泥香晚帶爐烟出建章邊徼諸軍迎使

節蠻夷六詔識仙郎青山晚映滇池近碧樹晴連棘火  
甸長莫道西南真萬里長安日近少冰霜

送進士傅玉良玉潤南歸畢姻

薊門晴雪照離觴河水西流去掉長華萼春深多向  
日薰葭歲晚獨禁霜遠傳喜信占烏鵲預卜佳期叶  
鳳凰歸去只疑雙桂發不知滿袖帶天香

對雪

禁城飛雪向嚴冬積素凝華約九重上苑籠蔥蕊  
樹西山崑崙玉為峯光連紫陌迷朝騎色晃彤樓促  
曙鍾喜報豐年歌白雪郢中詞客可能容

送兵部尚書陳公林遠出鎮交趾

李之 獻凱正論功司馬新除 卷隆三受虎符

兩打龍節鎮蠻中蕭何經國曾供餉斐度臨邊暫  
紘戎已喜夷人歸版籍伏波銅柱謾爭雄

送胡敬方下第還南京大學

百戰詞場白髮生日華五色世空驚老來深顯還登  
第歸去劉蕡久擅名柳外烟深籠馬色花邊風暖度  
鶯聲青雲浩蕩非難遇天道奇才獨晚成

王格先生從大軍鎮交趾賦此贈別

紫殿朝辭拜袞龍佐戎南去荷 恩濃地連瘴海雲  
千疊山繞蠻烟路幾重馬援樹荒輕漢業高駢塔古  
記唐封遐方久矣安民俗道上壺漿幾處逢

送廖自勤

白馬翩翩錦帶垂喜從大將鎮南夷帳中草檄揮毫

處座上論兵按劍時烟火依微新井邑山川繚繞舊  
城池歸時幕府才名盛樂曲鏡歌獻玉墀

端午侍宴奉天門賜扇五色壽絲

菖蒲如玉泛金卮正是彤庭賜宴時三殿香烟隨鳳  
蹕九門曙色絢龍旗近臣對御分金扇中使傳宣賜  
絲絲共荷 恩榮同拜舞華封還祝萬年期

交趾削竹黏紙爲摺扇以克貢乙未夏命中  
書舍人寫傳格言于其上以賜百官

捲霧舒霞疊水紋中官擊出御前分溪藤蕭颯裁新  
樣汗竹參差綴古文爽氣尚含敝室雨墨香偏染鳳  
池雲極知當暑清肌骨願播仁風答 聖君

送僧還天台

六出散彩動晨暉海上千峯合翠微身逐片雲飛錫  
斗心隨流水定杯歸經翻貝葉龍能聽松偃珠林鶴  
自飛想得蒲團趺坐處天花散落五銖衣

房憲使子靖蒙

恩得釋見過賦此奉呈

九重 恩詔出黃麻殷網疏時兩鬢華謾道蒼蠅汚  
碧玉終令白露老薰葭宦游幾度承駝馬旅食重城  
聽曙鴉舊佐藩維還有待不教歸種邵平瓜

江西八景

西山積翠

城外青山爽氣浮重巒疊嶂擁南州四時秀色含雲  
霧萬壑寒光逼斗牛野樹迥連空翠合澗泉長繞畫  
屏流由來此處多仙境那得騷車汗漫遊

南浦飛雲

悠：片影楚江涯，漠、輕陰傍釣家。乍逐清烟籠草  
色，還隨灘月隱蘆花。風吹暝靄收殘雨，日絢晴暉帶  
落霞。幾度鴈歸迷宿處，數聲嘹唳隔寒沙。

徐亭烟樹

東湖老樹拂晴雲，樹裏空亭識聘君。鶯轉綠陰初過  
雨，鴉啼涼影半斜曛。誰懸木榻延高士，空致生芻吊  
古墳。千載高風遺像在，令人懷仰挹清芬。

滕閣秋風

岩堯高閣出洪州，佩玉鳴銜帝子遊。謾有文章傳勝  
事，更無賓客宴清秋。綺羅香逐浮雲散，絃管聲隨逝  
水流。六向畫圖看蛺蝶，夢來可處問莊周。

鐵柱仙蹤

金爲柱出神功，長鎖蛟螭在此中。迥壓鴻龐消蜃  
氣，直臨滄澗鎮龍宮。江波噴浸孤根穩，地脉鉤連八  
索雄。萬古旌陽遺跡在，蕊珠樓觀勢凌空。

洪崖丹井

聞道堯時一老仙，燒丹鑿井不知年。長因洗藥浮香  
氣，偶爲開爐泛瑞烟。靈液晝凝封寶鼎，神光夜發照  
寒泉。誰能嚙嗽通仙術，凡骨飄飄比蛻蟬。

章江晚渡

月落西山欲曙天，渡頭人語古城邊。鍾聲杳靄臨江  
戍，帆影參差隔浦船。幾處蘼蕪深夕露，萬家楊柳舞  
晴烟。年、過客頻來往，誰復東流嘆逝川。

龍沙夕照

晴沙如雪照斜暉一望川原夕靄微霜落空林秋葉  
下天連遠水暮帆歸殘烟漠；孤城閉極浦蒼；一  
鴈飛自是江南多勝槩此中風景世應稀

南昌古蹟十詠

澹臺墓

聞道南遊竟不回城門題字有澹臺楚鄉耆舊知遺  
迹魯國衣冠識俊才廟貌千年存俎豆旅墳三尺翳  
蒿萊斬蛟毀壁真奇事青簡流傳莫謾猜

灌嬰城

葦江南面有荒城千載猶傳漢將名孤宿斷垣春草  
鳥啼古堞暮烟生風雲暗想精靈聚茅

竹等獨有離、霜後樹還如赤幟繞行營

梅真觀

金鐵爲飛事不虛遠臣憂國意何如丹心誓歆扶宗  
社青史空令錄諫書 正殿晚開仙尉宅懸輪夜集羽  
人居吳門蹤跡應難候華表秋風鶴夢餘

葛仙壇

片石空餘斷蘚青何年飛珮入蒼冥岩前花發春長  
在澗底泉流洞不高寶鼎虹光藏秘藥玉床龍氣護  
仙經懸知此地脩真者時掃寒雲夜禮星

投書渚

爭傳皂蓋赴皇州錦字泥緘托去舟懶與世人通契  
闊任隨流水自沉浮萬金香、淪波底一棹翻、出

石頭却笑空函猶自達當歸誰作置書郵

寫韻軒

暫拋金錄別群仙還結人間仇儂緣瑤草忽迷溪上路碧桃空發洞中天綺疏綉日通琳館彩筆含雲拂錦牋一夜月明聞虎嘯不知清佩隔風烟

繩金塔

地藏舍利隱金繩百尺浮屠試一憑雲裏高標驚過客月中孤影伴殘僧風傳鈴鐸和朝梵星繞闌干雜夜燈向夕始知臨眺久蒼烟樹入鍾陵

浴仙池

不向瑤池醉錦筵却從下界戲清蓮冰壺影浸芙蓉露玉鏡香涵翡翠烟白鶴已窺仙骨化青蛾長得世

悟春來水面浮萍發猶似靈風墜翠鈿

陳陶宅

亂藤高竹翠交加此地曾聞處士家萬古詩名垂宇宙一函清骨悶烟霞荒山寂寂啼寒鴉遠樹蒼蒼集暮鴉惟羨當時心似鐵行雲室自擁蓮花

蘇公圃

門巷蕭條碧草生楚鄉何處可逃名灌園久已忘機事賣屨寧慚混俗情豈為故人居鼎鼐謾勞使者扣柴荆明朝更擬移家去回首浮雲脫屣輕

香奩十詠

金盆沐髮

翠鬟暫解傍粧臺澁漾金盆映玉腮香霧泛漪絲影



動綠雲沉水縠紋開乍疑洛浦凌波去還訝巫陽作  
雨來重縮宮鴉勻粉黛背人臨鏡久徘徊

寶鏡勻粧

繡奩開處動晴光試粉調朱倚象床  
蕙苗映波紅頰潤薔薇和露翠髮香  
不教眉黛勞京兆還許花鈿學  
壽陽金鳳翠翹都掃遍却移蓮步出蘭房

紗窓春夢

碧紗如霧掩春閨萬恨千愁夢自迷  
乍逐行雲經楚峽還隨明月到遼西  
翠衾香冷成蝴蝶玉漏聲殘怯  
曉雞覺後却驚鴛鴦帳裏枕邊空有數行啼

香閨新月

一勾新月映銀潢重整殘粧出洞房  
珠箔暫開檐素

手連微步近清光水沉烟細知風靜  
雲母屏空怯露涼再拜堦前還細祝  
何時玉鏡照鸞凰

綉床凝思

感彩盤金奪眼明倚床無語不勝情  
紋隨別意千回轉線逐愁腸九曲  
縈羅帕浹沾紅袖濕紫茸香染碧  
紗輕停針何事偏惆悵惟恨鴛鴦繡不成

金錢卜遠

鱗鴻杳杳隔天涯偷擲金錢掩綉帷  
遠信謾勞占喜鵲佳期湏是仗靈龜  
含羞只恐傍人見暗祝猶防侍  
女知文象分明開吉兆芙蓉花發是歸時

黛眉顰色

閒愁千種在眉頭長感雙蛾倚畫樓  
細柳帶烟含暝

色遠山凝黛鎖春愁效來鄰里翻憐醜畫就閨房強  
恐羞誰似孟光長舉按鏡中八字謾風流

玉頰啼痕

春來長是惜韶光泣向東風淡幾行半濕胭脂霞作  
暈微沾鉛粉雪生香每看鴈札應妨墮閑捻鮫綃只  
預防幾度梨花春夜雨暗隨殘漏滴更長

綺檻折花

朝來梳罷綠雲鬟行傍花邊意態閒露滴濃香未  
袖日烘嬌艷妬紅顏試拈嫩蕊偏憐摘細認高枝謾  
自攀芳氣滿襟猶未歇隔簾時惹蝶飛還

綵樓乞巧

才 頂新月照蛾眉樓上流蘇五色垂暗托蜘蛛占喜

詩驚鳥鵲赴佳期露侵寶鼎浮煙細風裊金針度  
綵遲巧性殷勤煩乞與此生百世終相宜

昔人有香奩體蓋托閨房女婦之意而爲之  
近世騷人才士樂於賦詠遂分爲八題或又  
增爲十題然其所述無非形容閨門情態甚  
至桑間濮上之音斯爲大過予因客居之暇  
披閱古今之作間更其題一二字或全易之  
爲香奩十詠所以寫夫綠窓深院之中矜其  
容色寓其情思惜韶華之易邁念伉儷之遠  
隔而其況憂積怨之懷含羞倚媚之態一見  
於此蓋庶幾思而不失其正感而不至於淫  
者然其風雅則有愧焉觀者幸勿哂其鄙陋也

送陳郎中重使西域五首

曾驅宛馬入神京拜 命重爲萬里行河隴壺漿還  
出候伊西部落總知名天連白草寒沙遠路遠黃雲  
古蹟平却憶漢家勞戰伐道傍空築受降城  
龍紋御敕紫泥封玉節光華出九重三譯慣諳胡語  
孰諸蕃爭荷 聖恩濃雲消烟火連青海月照寒沙  
繞白龍此處定知葱嶺路馬頭遙指最高峯  
雕輪華轂擁鳴騶幾款停鞭記舊遊赤嶺晚雲連雪  
積黃河春水帶冰流旌麾行處羅諸部金帛頒時列  
衆酋却笑虎頭班定遠身親百戰覓封侯  
玉關迢遞塞雲黃西涉流沙道路長山繞高昌遺碣  
二 平遮姑默廢城荒閑聽羌笛多乘月暗捲戎衣半

霜不用殷勤通譯語相逢捲是舊蕃王

重宣 恩詔向窮邊蕃落依稀似昔年酋長拜迎張  
繡幌羞姬歌舞散金錢葡萄夜醉氍毹月驂馬晨嘶  
首香烟百寶嵌刀珠飾靶部人知是漢張騫

西戎城郭枕邊荒一望平川百里長漢使旌旗千騎  
林蕃兒冠佩萬金裝錦幃燦爛芙蓉毯寶石玲瓏翡  
翠房歸日更陳西域記千年國史有輝光

元夕觀燈午門

天臨黼袞動龍光三島新移值建章燈火萬枝懸寶  
炬綺羅千隊出紅粧觥積月轉留仙蹕禁署風回散  
御香歌舞不知清漏永官筵還進紫霞觴

春日同王脩撰時彥錢檢討習禮遊海印寺

琉璃寶地煥晴光  
曉騎乘春到上方  
仙梵乍聞清俗慮  
胡僧多住在禪房  
山浮空翠籠金刹  
水泛飛花出石梁  
坐久欲窮方外趣  
禁城烟樹晚蒼蒼

重遊白雲觀

仙人羽化白雲鄉  
臺殿玲瓏鎖夕陽  
望氣幾回逢尹喜  
看花前度識劉郎  
丹房龍虎蟠金鼎  
石洞烟霞護玉床  
謾說仙家多勝事  
藍橋何處覓瓊漿

送道士歸桃源

霞佩何年別翠岑  
迢迢歸路武陵深  
種來白石皆成玉  
煉就丹砂已化金  
陰洞靈符應尚在  
仙房瑞檢得尋  
桃花開遍無人到  
風滿衣裳露滿簪

初夏崇真萬壽宮觀用吳真人手種五花薔薇

五季客種薔薇五色花  
開晃曙暉一片彩雲攢  
瑞露滿庭香露濕  
朝衣虛疑神女遺  
霞佩還訝天孫墮  
錦機應有神仙憐  
絕艷夜深騎鶴月中歸

九月十八日同襄城伯李公先還南京舟中奉簡  
曾於玉帳識先公  
此日乘舟李郭同  
兩葉金貂承雨露  
三秋畫鷁駕天風  
謝玄膽氣終摧敵  
班勇軍聲屢破戎  
自是將門多俊傑  
坐談韜畧滿胸中

丁酉五月朔駕至北京御西內新殿朝賀

五衛旌旗簇九霄  
新宮駐蹕萬方朝  
西山雲氣通仙苑  
大液虹光出御橋  
龍影六飛駮寶輅  
鶯聲百轉和簫韶  
共欣洛下方經始  
豈憚追趨輦路遙

新館內直

華館深沉直禁闌彩蕙丹碧煥翬飛上林萬樹連西掖北極諸星拱大微繞硯龍香裁詔罷隔簾鶯鶯退朝歸應知幾度青綾夜月轉金莖露滿衣

新居二首 在世祖廟南城隍廟東

苑牆西面地幽偏卜築新成喜遂遷翠黛半橫窗裏岫玉虹斜落枕邊泉閉門風雨如村巷繞屋桑麻似野田此處宛疑朝市隔何須還詠浣花篇  
金城方外御溝西沙路無塵水接西隴蟻且拚花裏醉夏鶯多傍柳陰啼晨趨紫禁天應近夕夢青綾未低綠野豈須誇勝槩至今空羨輞川題

寄趙公復

上海花映酒卮別來還憶十年時銀床碧水陳遵

王弼青山謝眺詩湖海舊遊心尚在風霜暮景髮先衰兩京迢遞書難寄况未逢秋鴈到遲

輓李士文

憐君三十擅醫名處、人家識宋清鳳闕天高虛薦剡龍沙雪滿信歸旌已知丹杏栽能遍豈料黃芽養未成多少負病皆缺望聞歌蒿里盡露纓

五月朔進實錄罷賦呈同事諸公

鼎湖龍去泣遺弓三十餘年政治隆洛水有書昭成德泰山無石刻神功開函捧進當墀內端冕躬迎拜殿中愧乏三長膺黼黻遠慙班馬擅才雄

五月六日賜觀西湖

玉珂龍影出長楸詔許西湖攬轡遊雲氣連山常帶

雨風聲度壑迥疑秋樹含飛翠沾衣濕泉作垂虹透  
澗流中使淹留歸向晚水紋輕漾採蓮舟

玄兔

傳聞三穴久儲精日啖玄霜異質成八竅總含蒼露  
濕一身斜軀黑雲輕行來青瑣應難覓立向瑤階却  
盡驚自是太平多瑞物願隨毛穎詠干城

輓胡學士

海內儒魁仰俊髦平生文采映東曹長依楓陛天顏  
近暗想花駘日影高鳳閣每驚鈴索動龍沙曾從屬  
車勞青綾夢斷天風冷塵滿盤鵬舊賜袍

內相曾推陸贄賢瀛州高步領群仙上書玉闕多焚  
草上金鑿獨賜蓮一代文章歸彩筆九重綸綍貴

庚辰朝來族觀都門道忍聽西風薤露篇

己亥元日雪

三殿爐香疊彩烟紫微瑞雪慶新年漸看積素連馳  
道轉覺飛花近御筵清響暗隨仙佩集曙光偏促禁  
鍾傳朝元預喜占豐歲願叶賡歌播管絃

之賦集卷之四

蘭門秋夕

清漏遲、月轉廊博山消盡水沉香重城不鎖還家  
夢兩夜分明到故鄉

途中即事

淺黃綉帶維金環力士牽來不鞞鞍如此龍媒真駿  
骨時、立在仗中看

文豹雄姿馬上輕從人馳驟不曾驚非因搏獸能馳  
捷何得長隨綉仗行

錦鞞鷲鳥擅奇雄勁翻英姿出海東側目雲霄思一  
擊幾回直上到天中

揚州東門和王脩撰時彥韻

翠裙紅袖坐調笙一曲嬌歌萬里情二十四橋春水  
綠蘭橈隨處傍花行

經虞美人墓

玉帳含樓對舞腰楚歌風冷夜蕭蕭紅顏薄命何須  
惜祇恨君王霸業銷

舟中聞笛

誰家吹笛隔溪聲嫋嫋隨風動客情莫向春來怨楊  
柳新條留得送人行

棹歌

楊柳青青河水流那知深處好行舟行人若道江南  
好春來風浪使人愁

水邊牽船逐岸移下灘容易上灘遲不愁水底推船

六只怕船頭風倒吹

梨花

玉顏憔悴粉香勻泣雨啼烟暗恨春莫遣東風便吹  
落綠窠疑有惜花人

鞦韆

雲綰雙鬟半解肩翠蛾二八闌嬋娟蟠中結帶牢粧  
束猶恐斜風墮翠鈿

題白芙蓉扇面

鈿華初試曉來粧水面風多玉骨涼絕勝錦中城下  
路紅雲千疊倚秋光

舟中即景

濠上烟樹隱城頭捲地輕沙水亂流借問客程何處



所滿船風雨過滄洲

憶別

一家去住兩閑情行李蕭然又出東  
後斷烟殘雨石頭城

即事

片、飛花逐水流傷春何處最  
立望盡征帆不下樓

靜海感書

紅燭當爐夜數錢驛亭西面綠楊邊  
舊只認青帘記惜年

直沽晚泊

先冰城樹繞津帆播歲、往來頻  
津頭白鳥如相

識飛近船窓不畏人

旅懷

十年京國鬢蕭蕭、薊北江南萬里遙  
遠莫將音信托寒潮

題陶學士秦弱蘭郵亭贈別圖

遙持玉節帶冰銜文采風流自不凡  
了至今遺恨滿江南

燭殘香冷髮雲偏不是因緣亦可憐  
曲郵亭何處有神仙

閨夢四時詞

燒殘紅燭綉房深簾外春寒入翠衾  
後笑接雙帶縮同心

涼沁紗幮齒首風簾紋斜印玉肌紅覺來淚濕鴛鴦  
錦一段雲情是夢中

月過銀屏映象床秋風微透越羅裳無端一枕相思  
夢爲雨爲雲總斷腸

流蘇寶帳錦毡毳侍女添香夜幾回孤夢豈知冰雪  
積冒寒猶自到陽臺

題廖自勤安南回所藏墨竹

清姿獨受風霜凜直節仍沾雨露深早晚伶倫裁律  
呂調高還作鳳凰吟

題李仕鼎所藏解學士扇面

張真醉素寂無聲千載文江獨擅名誰識秋蛇春蚓  
意所謙殘墨有餘清

題仕鼎所藏解胡二學士扇面

億昨詞華動筆端驪珠光彩照齊紈雲烟零落殘縑  
斷留得清名與世傳

題子陵垂釣

長竿七尺坐巖灘不應徵書拜 聖顏一段高風  
何處見至今留在富春山

樂曉集卷之五

五言絕句

酒家

酒幔臨津口，壚頭勸客頻。  
雲鬟當暮整，別有泊舟人。

湖上

其一

儂家湖水上，水綠照蛾眉。  
自惜容華好，年光恣別離。

其二

春夜常不眠，月影照牕戶。  
浪起聽風聲，更泊船何處。

其三

朝分湖上望，不見有歸船。  
只羨鴛鴦鳥，雙飛向渚邊。

其四

比蓮花羅裙比蓮葉花裏不見人歌聲恁相接

其五

六五

少婦含嬌羞逢人隔花語荷露濕衣裙不是陽臺雨

其六

蘭橈傍煙嶼蕩漾湖水深且摘綠房子蓮的知妾心

其七

菱熟苦多刺但恐傷玉指郎歸若相疑此心誰相理

其八

郎意波上萍妾心水上石水流石不移浮萍無定跡

其九

目斷春帆去何時向此歸不如沙際鳥猶得逐帆飛

其十

汎南湖水行人暫泊舟爲傳音信喜夫婿到揚州